











[General](#)

128 Pegawai Kadet PALAPES UMP Terima Pentauliah Leftenan Muda

14 August 2019

Johor Bahru, 3 Ogos- Seramai 128 Pegawai Kadet Pasukan Latihan Pegawai Simpanan (PALAPES) Universiti Malaysia Pahang (UMP) daripada perkhidmatan tentera darat, laut dan udara menerima pentauliah sebagai Pegawai Muda dalam Perkhidmatan Angkatan Tentera Malaysia (ATM) dengan pangkat Leftenan Muda.

Majlis Istiadat Pentauliahian Diraja Pegawai Kadet PALAPES Universiti Awam ke-38 yang berlangsung di Universiti Teknologi Malaysia (UTM) Johor Bahru, Johor dengan disempurnakan oleh Duli Yang Amat Mulia Mejar Jeneral Tunku Ismail Ibni Sultan Ibrahim, Tunku Mahkota Johor. Baginda telah sudi mencemar duli untuk memeriksa perbarisan dan menerima tabik hormat daripada 1560 pegawai-pegawai kadet dari 18 Universiti Awam di Padang Kawad UTM. Acara diteruskan dengan penganugerahan watak tauliah kepada pegawai-pegawai muda tersebut yang diadakan di Dewan Sultan Iskandar UTM.

Terdahulu dalam titah ucapannya, Tunku Ismail mengucapkan setinggi-tinggi tahniah kepada para pegawai kadet yang telah berjaya menamatkan latihan dan bersedia untuk ditauliahkan sebagai pegawai tentera di ketiga-tiga cabang perkhidmatan dalam ATM amnya dan pasukan simpanan khasnya. Baginda juga berpesan agar pegawai-pegawai muda ini menjadi insan yang lebih baik dengan berbekalkan pengalaman dan latihan yang dijalani seterusnya menjadi pemimpin yang sentiasa peka dengan pembangunan negara. Selain itu, menekankan pentingnya kesetiaan kepada raja dan negara dalam mengekalkan keharmonian masyarakat yang berbilang kaum.

Dalam pentauliahian kali ini, Tunku Ismail berkenan menganugerahkan pedang kehormat kepada pegawai-pegawai kadet terbaik dari setiap universiti. Seramai tiga orang pegawai kadet UMP yang mewakili perkhidmatan darat, laut dan udara telah dianugerahkan pedang kehormat. Mereka adalah Pegawai Kadet Sarjan Mohd Najmi Muhamad Zamri dari PALAPES Darat yang merupakan pelajar Ijazah Sarjana Muda Keselamatan dan Kesihatan Pekerjaan, Pegawai Rendah Kanan Amirul Aiman Johari dari PALAPES Laut yang merupakan pelajar Ijazah Sarjana Muda Keselamatan dan Kesihatan Pekerjaan, manakala mewakili PALAPES Udara adalah Pegawai Rendah Kanan Norashikin Samsuddin yang merupakan pelajar Ijazah Sarjana Muda Komputer Sistem dan Rangkaian.

Bagi Leftenan Muda Mohd Najmi beliau bersyukur dengan penganugerahan pedang kehormat dan berterima kasih kepada seluruh pegawai-pegawai dan jurulatih yang mengajar dan mencurahkan ilmu ketenteraan selama 3 tahun beliau mengikuti kursus PALAPES di UMP. Beliau juga berazam akan terus bergiat aktif dan menyumbang tenaga di dalam pasukan Askar Wataniah walaupun telah bekerja kelak. Turut hadir mewakili UMP dalam majlis pentauliahian ini ialah Komander (K) Prof Dato' Ts Dr. Yuserrie Zainuddin yang merupakan Timbalan Naib Canselor (Hal Ehwal Peljar dan Alumni), Pemangku Timbalan Komandan PALAPES UMP, Kapten Mohd Azam Muhamad Akhir, dan Dekan Pembangunan Pelajar UMP, Dr Ahmad Johari Mohamad.

Dm

Disediakan oleh Pemangku Timbalan Komandan PALAPES UMP, Kapten Mohd Azam Muhamad Akhir

- 1694 views

[View PDF](#)

